



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita & Rebus gestis P. Petri Canisii, De Societate Jesv,
Commentarii**

Sacchini, Francesco

Ingolstadii, 1616

Qui se & Canisium egregiè defendit.

urn:nbn:de:hbz:466:1-41515

cum sibi subsidium domus Canisium; Canisio
mentem, ac facultates eripuisse criminantes. Pu-
blica fuit hæc querimonia vbiq; locorum, ac tem-
porum, estque hodie, & erit semper. Tametsi enim
Christianos se mortales profitentur, tamen vbi de
carorum, ac multò ferè magis de fortunatum di-
stractione, atque amissione agitur, decreta Christi
in alienis citius, quām in suis probant. Usque ad eò *Quis, & Ca-*
nisiūm egre-
gio defendet.
ducimur, decipimurque oculis: & æternitatis in-
uisa facies parum mouet. Deplorauit hanc peruer-
sitatē Faber in literis, quibus purgare se, & placare
fœminam studuit. Testatus enim nihil in suam
rem è facultatibus Petri auersum, Paucis curæ est,
inquit, quonam anima Magistri Petri perueniat:
sed id grauiter, & molestè multi ferunt, si quæ he-
reditario iure illi obuenerunt, alienentur. Dole-
mus glebam à gleba disiungi, animas verò nostras
à suo creditore Deo, cui adhescere summæ est fe-
licitatis, abstrahi auellique non dolemus. Quanti
verò ipsum Canisium faceret, paulò antè demon-
strarat his verbis. Ego cùm videam honestissi-
mum, & optimum adolescentem firmissimo spi-
ritus, & amoris glutino mihi coniunctissimum,
ac vnum prope mentis, ac voluntatis consensione

E factum

factum esse, non possum non ex animo optima quæque illi velle, & peroptare, vsque eo, ut propinquus eius, & consanguineis omnibus quiduis me debere arbitrer.

*Canisij im-
pensa prima
Societatis do-
mum Coloniæ
conducitur.*

Mitigatus non nihil est Nouercæ, ac propinquorum Canisij dolor. Nihil tamen illum clamores vlli deterruere, quo minus ad Socios Coloniæ alendos facultatum partem conferret. Itaque dominus conducta est: vnaque simul habitare cœperunt: quo tandem Faber in Lusitaniam proficisci denuò iussus, latior iter corripuit. Incredibiliter cum ardebat studio iuuadæ Coloniæ, quamvis videret Canisium, ac Socios (numero circiter nouem relinquebat) alibi profectus longè maiores in studiis æque literarum, ac pietatis facturos, nolebat tamen eam ciuitatem deserere. Et verò constantiam illi, & obedientiam egregiè probaverunt. Haud multo enim tempore ab Fabri discessu, dum ægræ ciuitati quicquid in se opis esset, ferre contendunt, studiosi rerum nouarum eam cōsensionem suis conatibus parum commodam rati, impulere senatum, alia prætexentes nomina, ut vno domicilio vetaret coniunctos degere. Videbantur cauere, ne nouum Coloniæ Religioso-

*Vetat Sena-
tum coniunc-
tos degere.*

rum